

itudinali frontis et utrinque lineis transversalibus subtilissimis cum illa conjunctis, clypeo, lineis duabus longitudinalibus fulvis exceptis, bucculisque albidis; clypeo fortiter declivi (σ). Rostrum pallido-flavens, apice fusco. Antennae pallido-flaventes, subtiliter pallido-pubescentes, articulo primo puncto interioris marginis ante-apicali fusco, secundo latitudine pronoti basali longiore et duobus ultimis simul sumtis longitudine aequali, tertio secundo circiter $\frac{1}{3}$ breviore, quarto tertio fere duplo breviore (σ). Pronotum basi longitudine vix duplo latius, lateribus apicem versus angustatum, apice longitudine paullo angustius, fulvum, gutta media marginis apicalis albida, disco ubique punctis fuscis sat aequaliter adsperso, callis fere impunctatis. Scutellum fulvum, punctis dilutius rufo-ferrugineis parcus adspersum, basi rufescens. Hemelytra fulva, clavo et corio punctis fuscis hic illic densius collocatis et inter se maculas maiores impunctatas sub-rotundas formantibus adspersis, cuneo basi late albido, tantum apicem versus punctis minutis rufo-ferrugineis adsperso; membrana dilute griseo-fumata, venis fulvis, areola majore hyalina, ejus apice tamen, arcola minore limboque externo paullo infra medium usque nigricantibus, macula ad apicem cunei maculaque marginali transversali fere in medio limbi posita sat magnis albidis, inter se maculam fere quadrangularem nigricantem terminantibus, in hujus maculae angulo basali interno paullulum infra apicem venae cubitalis macula oblonga minore albida. Pectus et abdomen pallide flaventia, mesosterno lateribusque ventris fuscis, segmento genitali subtus medio rubricante (σ). Pedes cum coxis pallide flaventes, femoribus apicem versus fulvo-rufescens, punctis fuscis minus dense adspersis; tibiis spinulis testaceis e punctis nigro-fuscis minutis nascentibus, unguiculis testaceis.

2. Atomophora pantherina REUT.

Tab. I, fig. 14 a, b (caput), c (tarsus pedis intermedii), d (unguis eiusdem).

Diagnosis: Subtus fuscescenti- vel fusco-sangvinea, subtiliter albo-pubescentes, ventris medio magis minusve virescente; supra alba, longe albo-pubescentes, capite, pronoto et scutello dense fusco-variegatis, hemelytris punctis piliferis fuscis adspersis adhucque maculis magnis fuscis vel badiis usque in margine externo variegatis, his maculis saepe magis minusve confluentibus; membrana fusco- et hyalino-variegata, limbo externo maculis duabus, altera basali altera ante medium albis; antennis testaceis, articulo primo basique secundi sat late obscure fuscis (σ), vel pallido-flaventibus, articulo primo apicem versus fusco (Ω); pedibus cum coxis albis, femoribus tantum punctis nonnullis magnis marginis inferioris punctoque ante apicem marginis superioris fusco-sangvineis vel apicem versus magis minusve late fuscescenti-sangvineis; tibiis spinulis albis e punctis magnis obscure aut fuscescenti-sangvineis, in tibiis posticis circa tibias saepe annulatim confluentibus, nascentibus, tarsis fuscescentibus. Long. ♂ ♀ 3— $3\frac{1}{4}$ mm.